

M521: Franziskanerregel (Augsburger Drittordensregel)

1ra,1 Nycolaus d' bapst
1ra,2 der ein kneht ist
1ra,3 aller gotes diener enbiut
1ra,4 sine- lieben kinden
1ra,5 den bruodern vnd
1ra,6 den swest'en von dem
1ra,7 dritten orden sant franciscus
1ra,8 die da gegenw'tik
1ra,9 sint vn- die noch
1ra,10 kunftik sint zvo dirre
1ra,11 Regel sine- gruos
1ra,12 vnd sinen seggen Vnd
1ra,13 sprichet also . Daz cristenliches
1ra,14 lebens durnehtiv
1ra,15 gruntvestin
1ra,16 ist cristenlicher gelaube .
1ra,17 der nimmer von
1ra,18 keiner hande kumm'nusse
1ra,19 mag erleschet
1ra,20 w'den . Daz ist der
1ra,21 gelaube den die iunger
1ra,22 vnsers h'ren ih-u
1ra,23 xp-i geleret hant . vn-
1ra,24 den der stuol ze rome
1ra,25 behaltet . Daz ist der

1rb,1 gelaube ane den vnserem
1rb,2 h'rem nieman
1rb,3 mag wol gevallen
1rb,4 od' lieb w'den . Daz ist
1rb,5 d' gelaube der einen
1rb,6 wec beraitet zvo dem
1rb,7 himele . vn- vns gehaizzet
1rb,8 den lon d' ewigen
1rb,9 fravde da vo- der hohgelobte
1rb,10 h're s-cs franciscus
1rb,11 dises ordens orthabe

1rb,12 hat erzeiget mit
1rb,13 Worten vnd mit werken
1rb,14 sinen kinde- den
1rb,15 wec zvo vnserem herren
1rb,16 vnd geleret . der an
1rb,17 rehtem gelauben lit
1rb,18 des si immer me v'iehen
1rb,19 suln stetecliche vn-
1rb,20 halten vesteclichen . vn-
1rb,21 mit den werken erfüllen
1rb,22 Disiv Regel ist getailt
1rb,23 i- zwelf capitel . An dem
1rb,24 ersten stet geschriben wie
1rb,25 man enphahen sol die

1va,1 dises ordens begernt
1va,2 vn- sprichtet also . Wir
1va,3 bapst nycolaus
1va,4 wellen disem orden
1va,5 bi sin mit groszem
1va,6 gunste . vnd siner erhoeunge
1va,7 wellen wir
1va,8 flizzic sin . vn- Ordene-
1va,9 z em ersten daz alle
1va,10 die dises lebens beg'nde
1va,11 sint e daz si enpha-gen
1va,12 w'den so sol man
1va,13 sie flizzecliche v'suoche-
1va,14 an dem cristenlichen gelauben .
1va,15 vnd an der gehorsami
1va,16 gen dem stuol
1va,17 ze rome . Vnd ist daz sie
1va,18 des vestecliche v'iehe-t
1va,19 vnd werlichen gelaubent .
1va,20 So mag man si
1va,21 sicherlichen enphahe-
1va,22 zvo dem orden . Wan
1va,23 sol avch behuoten flizzeclichen
1va,24 daz kein kezcer
1va,25 oder den man argwenic

1vb,1 habe von vngelauben
1vb,2 oder der da vo-
1vb,3 verliumdest ist iemm'
1vb,4 enphangen w'de zvo
1vb,5 disem orden . Vnd ist
1vb,6 ab' daz man solch' livte

1vb,7 ieman vindet in dise-
1vb,8 orden die sol man Ruogen
1vb,9 den die gewalt
1vb,10 hant vngelaubige
1vb,11 livte ze buozzene . Dar
1vb,12 nach die maist' dises
1vb,13 lebenes die den gewalt
1vb,14 hant ze enphahe-ne
1vb,15 zvo disem orden die sulen
1vb,16 flizzeclichen ervaren
1vb,17 daz ampt vnd
1vb,18 daz antwerc . vnd die
1vb,19 site der livte die enpha-gen
1vb,20 wellent w'den .
1vb,21 Si suln in kunt tuon
1vb,22 die burdi dirre bruod'schaft .
1vb,23 vnd allermaiste
1vb,24 daz si gelten vnd
1vb,25 wider geben swaz sie

2ra,1 fromdes guotes habent
2ra,2 mit phanden od' mit
2ra,3 beraite- phenninge .
2ra,4 Vnd suln sich avch versuonen
2ra,5 mit allen den
2ra,6 die si beswert hant .
2ra,7 So daz allez geschehe-
2ra,8 ist . so mag man sie
2ra,9 cleiden nach des orde-s
2ra,10 gewonhait . Vnd nach
2ra,11 sinem ersten iar mit
2ra,12 ezelicher bescheidener
2ra,13 bruoder vnd swest' rat
2ra,14 ist daz er si es wirdik
2ra,15 dunket . so sol man i-
2ra,16 enphahen also daz er
2ra,17 elliv diu gebot vnsers
2ra,18 herren gelobe ze behaltenne .
2ra,19 vnd avch gelobe
2ra,20 ze buozzenne . gar nach
2ra,21 sines visitators wille-
2ra,22 swenne er ime gervoget
2ra,23 wirt . vmbe alles
2ra,24 daz er immer me getuot
2ra,25 wider disem lebenne .

2rb,1 Dise gelubde sol

2rb,2 man vf der stat vestenen .
 2rb,3 mit einer endelicher
 2rb,4 geschrift . anders
 2rb,5 sol nieman enphange-
 2rb,6 w'den von den maist'n
 2rb,7 si dunke denne daz
 2rb,8 man nach der livte sitte
 2rb,9 vnd gewonheit anders
 2rb,10 muozzi tuon . Daz
 2rb,11 ander capitel sprichet dc
 2rb,12 nieman d' disem orde-
 2rb,13 gebunde- ist da von geschaiden
 2rb,14 mac . Wir
 2rb,15 ordenen fiurbas vn-
 2rb,16 sezzen . Daz nieman d'
 2rb,17 dirre bruoderschaft gebunden
 2rb,18 ist wider . zvo
 2rb,19 der welte kome-
 2rb,20 mag . doch so mag
 2rb,21 er varn zvo einem
 2rb,22 hoehern geistlichem
 2rb,23 lebenne . Die frawen
 2rb,24 avch die wirten sint gebunden
 2rb,25 die muge- nit

2va,1 komen zvo dirre geselleschaft
 2va,2 ane ir wirte
 2va,3 vrlop vnd ane ir gu-st .
 2va,4 Daz dritte capitel leret
 2va,5 von de- cleidern vnd
 2va,6 vo- de- gewa-de Die
 2va,7 bruoder avch dises
 2va,8 lebenes die suln sich cleiden
 2va,9 gemeinlich vo- demuotigem
 2va,10 tuoche an d'
 2va,11 tivri vnd an d' varwe
 2va,12 daz ez wed' wiz od' swarz
 2va,13 genzlich si . es si denne
 2va,14 daz die Visitatores mit
 2va,15 d' maist' rat vo- offenbarre
 2va,16 vnd ehaftiger
 2va,17 sache ezelichen genade
 2va,18 tuon an d' tivri des
 2va,19 tvoches . Mentel
 2va,20 avch vnd kurse-ne
 2va,21 die suln vornan
 2va,22 getailt od' ganz sin . also

2va,23 doch daz si gehaft sien
 2va,24 als gaistlichen livte-
 2va,25 gezimet . Ir ermel suln

 2vb,1 avch beslozzzen sin . Die
 2vb,2 swest'n suln avch gecleidet
 2vb,3 sin mit mentel vn-
 2vb,4 mit rocke vo- solchem
 2vb,5 demuotigem tvoche . Si
 2vb,6 mugen avch haben mit
 2vb,7 dem mantel ein obergewant
 2vb,8 vo- wizzem
 2vb,9 od' von swarzem barchan
 2vb,10 od' vo- schamlat
 2vb,11 od' vo- linime tvoche . ane
 2vb,12 velti od' wachait .
 2vb,13 An d' demuotikeit des
 2vb,14 gewandes der swest'n
 2vb,15 an mentel vnd an kursenne .
 2vb,16 Vnd an den belzen
 2vb,17 nach der livte vnd
 2vb,18 des landes gewonhait
 2vb,19 mag man in genade
 2vb,20 tuon . also doch daz die
 2vb,21 kursennen lembrin
 2vb,22 sien . Hullen avch vnd
 2vb,23 Omeler von siden suln
 2vb,24 sie nit haben . Gurtel
 2vb,25 avch vnd bivtel suln si

3ra,1 han von ledere ane
 3ra,2 alle syden gesteppeet .
 3ra,3 bediv bruod' vnd swest'n
 3ra,4 vnd nit anderre . Vnd
 3ra,5 suln sich auch gelauben
 3ra,6 aller vppig' gezierde
 3ra,7 dirre welte nach
 3ra,8 dem hailsamen rate
 3ra,9 sante Peters dez fursten
 3ra,10 d' hailigen zwelfboten .
 3ra,11 In si avch v'bote-
 3ra,12 vesteclich vnersamiv
 3ra,13 wirtschaft . vnd v'lazzen
 3ra,14 luogen . vnd kaphfen .
 3ra,15 vn- tanz . vnd hoeve
 3ra,16 da weltlichiv v'lazze-hait
 3ra,17 ist . Spilluten avch

3ra,18 vmbe ir vppikeit suln
 3ra,19 si nihtznit geben . Vn-
 3ra,20 suln avch ir gesinde
 3ra,21 v'bieten daz si in nihtzenit
 3ra,22 geben . Daz vierde
 3ra,23 capitel sprichet vo- d'
 3ra,24 spise die si miden suln
 3ra,25 vn- vo- d' zit so si vasten suln .

3rb,1 Alle bruod' vnd swest'
 3rb,2 dises lebenes die
 3rb,3 suln flaisch miden an
 3rb,4 dem mentage . vnd an
 3rb,5 der micten . vnd an de-
 3rb,6 fritage . vnd an dem
 3rb,7 samztage . si sien de-ne
 3rb,8 siech oder crank . Swelhi
 3rb,9 aber gelazzen hant
 3rb,10 den ist es dri tage erlaubet .
 3rb,11 vnd ist avch de-
 3rb,12 erlaubet die da arbaitent
 3rb,13 vf der verte . Es
 3rb,14 ist in avch erlaubet ze
 3rb,15 grozzen hohgeziten so
 3rb,16 ander cristanlivte vo-
 3rb,17 alter gewonhait flaische
 3rb,18 gewont hant ze
 3rb,19 ezzenne . And' tage so
 3rb,20 man nit vastet so mugen
 3rb,21 si kese vnd aiger
 3rb,22 ezzen . Swenne si auch
 3rb,23 geladet w'dent vo- anderen
 3rb,24 geistlichen livten
 3rb,25 die einez bewerten ordens

3va,1 sint so mugen
 3va,2 si mit in da si mit hvse
 3va,3 sint ezzen swaz in
 3va,4 wirt fur gesezzet . Si
 3va,5 sol avch begnuogen ze
 3va,6 zwein malen ze ezzenne
 3va,7 an dem tage . si sien
 3va,8 denne siech oder
 3va,9 crank . oder si arbaiten
 3va,10 denne vf der verte .
 3va,11 Mezzik suln si avch
 3va,12 sin an ezzen vnd an

3va,13 trinkenne . Wan daz
 3va,14 ewangeliu- sprichtet .
 3va,15 Huotet ivch daz iuw'
 3va,16 herzen nit beswert
 3va,17 werden von vb'igem
 3va,18 ezzenne . vnd trinkenne .
 3va,19 Si suln avch vor imbiz
 3va,20 vnd vor ezzenne sp'chen
 3va,21 ein . P-rn-r . Vnd
 3va,22 dar nach alsam vnserem
 3va,23 herren ze lobe vn-
 3va,24 ze eren . Sw' ab' daz versumet
 3va,25 der sp'che driv

3vb,1 P-rn-r . ze buozze . Alle fritage
 3vb,2 des iares suln si
 3vb,3 vasten . es si denne dc
 3vb,4 si siechtage od' anderiv
 3vb,5 ehaftigiv sache entschuldege .
 3vb,6 Oder es gevalle
 3vb,7 der hailige tag ze
 3vb,8 wihennahten an dem
 3vb,9 fritage . Von aller hailgen
 3vb,10 hohgezit suln si
 3vb,11 vasten die micten vn-
 3vb,12 den fritag . biz ze ostern .
 3vb,13 Ander vasten die div
 3vb,14 cristenhait gemainlichen
 3vb,15 behaltet in dem
 3vb,16 iare . oder die di bischofe
 3vb,17 sezzent ze vaste-ne
 3vb,18 suln si ovch behalten .
 3vb,19 Von sant Martins misse
 3vb,20 biz ze wihennahte-
 3vb,21 vnd von dem sunne-tage
 3vb,22 vor der vasnaht
 3vb,23 biz ze ost'en so suln sie
 3vb,24 vasten alle tage ane
 3vb,25 die sunne-tage . si irre

4ra,1 denne siechtage oder
 4ra,2 ehaftigiv not . Die frawen
 4ra,3 auch die an der . e .
 4ra,4 sint so die swang'
 4ra,5 sint biz an den tag daz
 4ra,6 si ze kirchen gende sint
 4ra,7 die sint nit gebunden

4ra,8 ze keiner vasten . Ir gesezcdes
4ra,9 gebet daz suln
4ra,10 sie doch sprechen . Die
4ra,11 aber mit ir teglicher
4ra,12 arbeit muozzen sich betragen .
4ra,13 den ist erlaubet
4ra,14 dri stunt ze ezzenne an
4ra,15 dem tage von ost'en biz
4ra,16 zvo der hohgezit sanctus
4ra,17 franciscus swenne es
4ra,18 ir arbeit vordert . So
4ra,19 si aber an anderre livte
4ra,20 werc sint so si in erlaubet
4ra,21 elliv spise die
4ra,22 man in fuer sezzet . Wan
4ra,23 an dem fritage vn- an
4ra,24 anderen tagen die div
4ra,25 cristenhait gemainlich

4rb,1 vastet . Daz fivnfte capitel
4rb,2 sprichet von der bihte
4rb,3 wenne man bihten
4rb,4 sol vn- wenne man sich
4rb,5 bewaren sol . Alle bruoder
4rb,6 vnd swest' dises
4rb,7 ordens suln z em minsten
4rb,8 ze drien malen in
4rb,9 dem iare daz ist ze wihe-nahten
4rb,10 vn- ze osteren vn-
4rb,11 ze phingsten luterliche-
4rb,12 bihten ir sunde . vnd andehteclichen
4rb,13 enphahen
4rb,14 vnsers herren frone lichnamen .
4rb,15 Si suln sich avch
4rb,16 v'suonen mit ir ebencristan .
4rb,17 vnd wider geben
4rb,18 swaz si hant fromdes
4rb,19 guotes . Schedelichiv wafen
4rb,20 suln die bruoder nit
4rb,21 tragen . Wan mit dem
4rb,22 vrlobe ir maister es si
4rb,23 denne daz si ze schirme
4rb,24 komen dem stuol ze rome
4rb,25 od' cristenlichem gelauben

4va,1 oder ir lande Dc
4va,2 sehste capitel leret von

4va,3 de- gebet vnd vo- der tegelich'
 4va,4 zit . Alle bruoder
 4va,5 vnd swest' suln
 4va,6 sprechen alle tage die
 4va,7 siben zit . Daz ist Metin
 4va,8 Prime Terci Sexte
 4va,9 None Vesper Complet
 4va,10 Phaffen die den salter
 4va,11 kunnen suln fur die
 4va,12 Prime sprechen . "Deus
 4va,13 in nomine Beati i-maculati ."
 4va,14 biz an "Lege- pone"
 4va,15 ze anderen ziten suln
 4va,16 si sprechen die salme-
 4va,17 nach der phaffen orde-
 4va,18 Vnd alle wege mit einem
 4va,19 "gl-a p-ri ." So si ab'
 4va,20 ze kirchen nit kome-t
 4va,21 so suln si sprechen fur
 4va,22 die mettin die salme-
 4va,23 die die phaffen sprechent .
 4va,24 od' die man sprichet
 4va,25 gemainlich in

 4vb,1 dem bistum . Oder gevallet
 4vb,2 es in baz so sprechen
 4vb,3 fur die mettin zewelf .
 4vb,4 P-rn-r . Vnd ie fur
 4vb,5 die anderen zit siben .
 4vb,6 P-rn-r . mit eime "Gl-a
 4vb,7 patri ." Sw' es aber kan
 4vb,8 der sol ze prime . vn- ze co-plet
 4vb,9 sprechen . "Credo i-
 4vb,10 deu- ." den glauben . Vnd
 4vb,11 den . "Mise're mei deus"
 4vb,12 Sprechent si ab' ir zit
 4vb,13 ze rehter stunde nit so
 4vb,14 suln si sprechen ze buozze
 4vb,15 driu P-rn-r . Die siechen
 4vb,16 die sint nit gebunde-
 4vb,17 der tagzit . si wellen s
 4vb,18 denne g'ne tuon . In der
 4vb,19 vasten vor wihennahten .
 4vb,20 vnd i- der hoher vasten
 4vb,21 so suln sie tegelich
 4vb,22 ze Mettin gan zvo d' pharre
 4vb,23 es si denne daz si enschuldege
 4vb,24 redelichiv sache .

4vb,25 Daz sibe-de capitel

5ra,1 ist vo- dem selgerete .
 5ra,2 Alle die in dirre bruod'schaft
 5ra,3 sint vnd
 5ra,4 sin stat habent die suln
 5ra,5 ir selgerete sezzen von
 5ra,6 ir guote in den nehsten
 5ra,7 drien manoden
 5ra,8 so si enphangen w'de-t
 5ra,9 dar vmbe daz ieman
 5ra,10 verschaide ane cristenliche
 5ra,11 rihtunge . vn- sunderlichen
 5ra,12 an dem selgerete .
 5ra,13 vmbe fride vn- vmbe
 5ra,14 suon vnd' den bruodern
 5ra,15 vnd vnd' den swestern
 5ra,16 vnd avch gen vzzeren livten
 5ra,17 die in vnfride lebe-t
 5ra,18 daz si v'suonet w'den . vn-
 5ra,19 daz es geschehe nach
 5ra,20 der maist' rat . die mugen
 5ra,21 avch des bischoffes
 5ra,22 von dem lande rat haben
 5ra,23 ob si sin bedurffen .
 5ra,24 Ist ab' daz die brvoder
 5ra,25 vnd die swester

5rb,1 von gewalt oder von
 5rb,2 herren oder von vockte-
 5rb,3 w'dent beswert vo- stivre
 5rb,4 oder von keiner hande
 5rb,5 vngemache . wider
 5rb,6 ir rehte . vnd wider ir
 5rb,7 hantvestin . die maist'
 5rb,8 die da gesezzen si-t die
 5rb,9 suln flizzic sin kunt
 5rb,10 ze tuonde den bischoffe-
 5rb,11 von dem lande . vnd anderen
 5rb,12 die gewalt habent
 5rb,13 iren kumm' vnd
 5rb,14 nach ir rat vnd ordenunge
 5rb,15 so suln si sich
 5rb,16 halten an solchen sachen
 5rb,17 Daz ahtode cap-
 5rb,18 leret daz si nit sweren
 5rb,19 suln . Alle die disem

5rb,20 orden gebunden
5rb,21 sint die suln sich hvote-
5rb,22 vor gestabten aiden si
5rb,23 twinge denne not dar
5rb,24 zvo . an solchen sachen
5rb,25 als es in erlaubet ist

5va,1 von dem stuol ze rome .
5va,2 Daz ist vmbe fride vn-
5va,3 vmbe svon . vnd vmbe
5va,4 cristenlichen gelaube-
5va,5 vnd daz si nieman an
5va,6 sprechen ze vnreht an
5va,7 dem gerihte . vnd ane
5va,8 gezivcnusse . vnd auch
5va,9 an kavphenne vn- an
5va,10 v'kavphenne . vnd da
5va,11 si ir guot von in enphromden
5va,12 wellent . An gemainer
5va,13 rede so suln
5va,14 si sich hvoten als verre
5va,15 als si mugen vor alle-
5va,16 aiden . Vnd swer keines
5va,17 tages velti an der
5va,18 zvngen vnd viel i- gemain
5va,19 aide als gewonlich
5va,20 ist an menger ha-de
5va,21 rede des selben tages
5va,22 des abendes so si betrachtten
5va,23 suln ir missetat
5va,24 fur solche aide so suln
5va,25 si sp'chen driu P-rn-r .

5vb,1 Ir iegeliches sol avch flizzic
5vb,2 sin daz si ir gesinde
5vb,3 schunden zvo vnsers h'ren
5vb,4 dienste . Daz nivnde
5vb,5 capitel sprichet von
5vb,6 gotesdienst ze hore-ne
5vb,7 vn- almuose- ze gebe-ne .
5vb,8 Alle bruoder vnd swester
5vb,9 swa si gesezze-
5vb,10 sint suln alle tage mugen
5vb,11 si ez getuon messe
5vb,12 horen . Vnd alle manot
5vb,13 so suln sie komen ze
5vb,14 einer stat da die maist'

5vb,15 guot dunket . vnd suln
5vb,16 da horen messe . Ir iegeliches
5vb,17 ab' sol da geben
5vb,18 einen phenning der
5vb,19 gewonlicher munsse
5vb,20 div da ist dem d' dar zvo
5vb,21 gesezzet ist . Vnd die selben
5vb,22 phenni-ge sol er samenon
5vb,23 vnd sol sie tailen
5vb,24 nach d' maister arat
5vb,25 vnder die arme-

6ra,1 bruoder vnd swest' dises
6ra,2 lebenes . Vnd allermaiste
6ra,3 vnder die siechen vn-
6ra,4 avch vnder die . die von
6ra,5 ir selber guote nit mugen
6ra,6 erberchlich zvo der erde
6ra,7 bestatet werden . Vn-
6ra,8 dar nach vnder ander
6ra,9 arme livte . Si suln avch
6ra,10 eren die kirchen von
6ra,11 den selben phenninge-
6ra,12 da si ir samenunge habent .
6ra,13 Si suln avch de-ne
6ra,14 haben ob si sin stat ha-
6ra,15 einen gelerten geistlichen
6ra,16 man der si mit de-
6ra,17 gotesworte schunde
6ra,18 zvo der rivwe zvo den werken
6ra,19 der erbarmeh'zekeit .
6ra,20 vnd zvo allen tvge-tlichen
6ra,21 di-gen . Ir iegeliches
6ra,22 sol sich flizzen daz
6ra,23 si halten ir swigen in
6ra,24 dem gotesdienste . vn-
6ra,25 in der predige . Wan de-ne

6rb,1 sol ir andaht sin an
6rb,2 dem gebet . vnd an dem
6rb,3 gotesdienste es si de-ne
6rb,4 daz si von gemainem
6rb,5 nuzze der bruoderschaft
6rb,6 geirret w'den . Daz zehende
6rb,7 capitel sprichet wie
6rb,8 man die siechen sol gesehen
6rb,9 vn- wie man den

6rb,10 toten vnd den lebenden
6rb,11 helfen sol mit gebet .
6rb,12 Ist daz in dirre bruoderschaft
6rb,13 ieman siech wirt
6rb,14 die maister die suln
6rb,15 selbe oder mit ir bote-
6rb,16 gesehen den siechen ze
6rb,17 einem male in der wochen .
6rb,18 ist daz es in der
6rb,19 sieche schaffet kunt getan .
6rb,20 vnd suln in flizzeclichen
6rb,21 manen daz er
6rb,22 sich rihte ze rechter rivwe
6rb,23 Si suln im avch ze state-
6rb,24 komen ob er s bedarf
6rb,25 von dem gemainen

6va,1 almuosen . Vnd ist daz der
6va,2 sieche scheidet von dirre
6va,3 welte allen den bruodern
6va,4 vnd den swest'en
6va,5 die da gesezzen sint de-
6va,6 sol man es kunt tuon
6va,7 daz si selbe da zvo der
6va,8 begrebbede sien . Si sulen
6va,9 sich avch nit schaide-
6va,10 vo- dem ampt biz der
6va,11 lichname bestatet wirt
6va,12 Vnd die selben wise sol
6va,13 man behalten gein de-
6va,14 siechen vnd den toten
6va,15 swest'n . Dar nach biz
6va,16 an den ahtoden tag . so
6va,17 sol ein iegelich' bruoder
6va,18 vnd swest' der die da
6va,19 gesezzen sint . vmbe des
6va,20 toten sel . ist er ein priester
6va,21 so sol er sprechen
6va,22 ein messe . Der den salter
6va,23 kan fivnfzic salmen .
6va,24 Der vngeleret als
6va,25 vil . P-rn-r . Vnd nach

6vb,1 iegelichem suln si sprechen .
6vb,2 "Requiem et' ." Und
6vb,3 dar vber elliv iar vmbe
6vb,4 die toten vnd vmbe

6vb,5 die lebenden die in dirre
 6vb,6 bruoderschaft sint
 6vb,7 sol ein iegelich priest'
 6vb,8 dri messe singen oder
 6vb,9 sprechen . Der ab' den
 6vb,10 salter kan der sprech
 6vb,11 einen . Vnd die andern
 6vb,12 die sprechen ein hundert .
 6vb,13 P-rn-r . Und nach
 6vb,14 iegelichem . "Requiem et' ."
 6vb,15 Daz ailfte capitel seit
 6vb,16 von den maist'n vn- vo-
 6vb,17 den anderen ampten .
 6vb,18 Div ampt diser bruoderschaft
 6vb,19 sol ein iegelicher
 6vb,20 dem es bevolhen
 6vb,21 wirt andehtecliche-
 6vb,22 enphahen . vnd getrivweclichen
 6vb,23 sich dar an vobe-
 6vb,24 Vnd eines iegelichen
 6vb,25 ampt sol im bevolhe-

7ra,1 werden ze sogetaner
 7ra,2 zilfrist . als man de-ne
 7ra,3 ze rate wirt . Nieman
 7ra,4 sol auch bevolhen werden
 7ra,5 diu maisterschaft
 7ra,6 zvo sine- lebenne . Daz
 7ra,7 sprechen wir da von
 7ra,8 wan sin ampt sol also
 7ra,9 gemezzet sin ze sogtaner
 7ra,10 zit also man de-ne
 7ra,11 ze rat wirt . Daz
 7ra,12 zwelfte capitel daz leret
 7ra,13 vo- d' visitation vnd
 7ra,14 vo- de- ampt des visitors .
 7ra,15 Wir ordenen
 7ra,16 auch daz daz die
 7ra,17 maist' . vnd die bruoder
 7ra,18 vnd die swest' da si gesezzen
 7ra,19 sint komen zvo
 7ra,20 einer gemain' visitation .
 7ra,21 an etsklicher geistlicher
 7ra,22 stat od' i- einer
 7ra,23 kirchen . vnd haben
 7ra,24 von einer bewerter
 7ra,25 Regel einen visitor

7rb,1 der ein priest' si . der in
7rb,2 buozze sezze swar vmbe
7rb,3 si im geruoget werde-t .
7rb,4 Vnd nieman anders
7rb,5 wan der priest' sol sich
7rb,6 des amptes vnderwinden .
7rb,7 Wan ab' s-tus franciscus
7rb,8 dises ordens orthabe
7rb,9 ist gewesen . so raten
7rb,10 wir daz die . Visitatores
7rb,11 vnd die leren vo-
7rb,12 dem orden der Minren
7rb,13 Bruoder w'den genome-
7rb,14 di die Cust' vnd die
7rb,15 Gardian . so man es an
7rb,16 si vordert dar zvo gesezzent .
7rb,17 Wir wellen auch
7rb,18 nit daz disiv samenu-ge
7rb,19 w'de von keinem
7rb,20 laigen gevisitieret . Dize
7rb,21 Visitation die sol ma-
7rb,22 ze eine- male haben in
7rb,23 dem iare es si denne dc
7rb,24 man sin me bedurffe
7rb,25 vo- etschlichen sachen .

7va,1 Die sich aber nit bezz'en
7va,2 wellent . vnd die vngehorsamen
7va,3 sol man
7va,4 dri stunt vor manen
7va,5 daz si wider kome- . Ist
7va,6 aber daz si sich nit bezzerun
7va,7 welle-t . so sol ma-
7va,8 si mit der beschaidener
7va,9 bruoder vnd swest' rat
7va,10 genzlichen schaiden
7va,11 vo- dirre samenu-ge .
7va,12 Die bruod' vnd die swester
7va,13 die suln mit flizze
7va,14 sich huoten vnd' einander
7va,15 vor allem vnfride
7va,16 Ist ab' daz sich erhuobe
7va,17 vnder in kein vnfride
7va,18 den sol man zeha-t
7va,19 zerstoren . Swer auch
7va,20 des nit volgen wolte

7va,21 de- sol man ruogen de-
7va,22 der den gewalt hat
7va,23 si ze buozzenne . Die bischoffe
7va,24 vnd die Visitatores
7va,25 die mugen auch

7vb,1 den bruodern vnd den
7vb,2 swest'en allen an vasten
7vb,3 an wachen vnd
7vb,4 an anderre hertekeit
7vb,5 von redelichen sache-
7vb,6 genedeclichen abe lazzen
7vb,7 an der geseztter
7vb,8 buozze . Die maist' die
7vb,9 suln avch kunt tuon de- .
7vb,10 Visitor die offenen
7vb,11 schulde d' bruoder vnd
7vb,12 der swest' daz er si dar
7vb,13 vmbe ze buozze sezze .
7vb,14 Sw' dar vber sich nit
7vb,15 bezzern wolte so er
7vb,16 dri stunt wrde gema-t
7vb,17 den suln die maister
7vb,18 von etschlich' beschaidener
7vb,19 bruod' vnd swester
7vb,20 rat kunden de- visitor .
7vb,21 der sol denne den selben
7vb,22 menschen scheide-
7vb,23 von dirre bruoderschaft
7vb,24 Vnd sol daz dar nach
7vb,25 kunden in der samenu-ge .

8ra,1 Dar vber an alle-
8ra,2 den dingen die hie an
8ra,3 dirre Regel gesezzet si-t
8ra,4 so wellen wir nit die
8ra,5 bruoder vnd die swest'
8ra,6 binden ze totsunden
8ra,7 ob si dar wid' teten . ez
8ra,8 were denne daz si teten
8ra,9 wid' div gebot vnsers
8ra,10 h'ren . oder wider
8ra,11 der cristenhait gesezzede .
8ra,12 Doch swer i- dirre
8ra,13 bruoderschaft lebet
8ra,14 anders denne er solte
8ra,15 der sol demuotecliche

8ra,16 buozze enphahen . vnd
8ra,17 sol si flizzeclichen vollefuoren .
8ra,18 Wir tuon
8ra,19 daz kunt aller d' welte
8ra,20 daz nieman so freueler
8ra,21 od' so geturstik
8ra,22 si der dise geschrift vnserre
8ra,23 gesezcde vnd vnserre
8ra,24 Ordenunge geturre
8ra,25 zerstoren od' geturre

8rb,1 freuellichen wid'sprechen .
8rb,2 Sw' daz aber
8rb,3 freuelliche v'suochende
8rb,4 were der sol daz wizzen
8rb,5 daz er vellet i- den
8rb,6 vngunst gotes von
8rb,7 himele . vnd siner hailigen
8rb,8 zwelfboten sante
8rb,9 Peters vnd sante
8rb,10 Paulus . Nota de professione .
8rb,11 Ich bruod'
8rb,12 vnd ich swest' der dritten
8rb,13 Regel gelube i- die
8rb,14 hende bruoder . N . mit
8rb,15 miner trivwe . Daz ich
8rb,16 furbaz behalte den orden
8rb,17 der bruoder vnd der
8rb,18 swester von der dritte-
8rb,19 Regel . der orden der da
8rb,20 gevestenet ist von vnserem
8rb,21 geistlichem vat'
8rb,22 dem Bapst Nycolaus
8rb,23 Vnd dar zvo swaz er gesezzet
8rb,24 hat an disem lebenne
8rb,25 daz wil ich merken

8va,1 vnd tuon mit guoten
8va,2 trivwen ane geverde .
8va,3 Vnd gelobe daz ich
8va,4 mich nimmer geschaide
8va,5 von disem orden ich
8va,6 kome denne zvo eine-
8va,7 hoherem lebenne mit
8va,8 der genade des hailigen
8va,9 gaistes .